

大方廣佛華嚴經疏演義鈔卷第六

清涼山大華嚴寺沙門澄觀撰述

第三義理分齊。已知此經總屬圓教。未知圓義分齊云何。

第三義理分齊。初結前生後。文有兩句。前句結前。謂前教攝中不別明攝者。以五教第五圓教指於此經。義當已攝。況諸師立教。皆以華嚴為圓。故知圓攝。後未知下一句。生後。

然此教海宏深。包含無外。色空交映。德用重重。語其橫收。全收五教。乃至人天。總無不包。方顯深廣。

C40

4514

(2)

B 64853

清涼國師華嚴疏鈔

經刑懸談

義理分齊教所被機

宙

然此教海下。第二總明深廣文三。初法說也。初二句總標宏。大也。卽是廣義。色空交映。德用重重。釋深義也。然言合法喻。如海旁無邊涯。連天一色。空徹海底。海映空天。卽下四門之二。總攝歸真。並皆空淨。事理無礙。卽色空交映。色不礙空。空不礙色也。德用重重。卽唯明深。具十玄門。重重無盡。卽事無礙。如海十德。互相周徧。語其橫收下。釋上廣也。如下二地中說。人天十善等。卽其文也。總無下。雙結深廣。

其猶百川不攝大海。大海必攝百川。雖攝百川。同一

鹹味。故隨一滴。迥異百川。

前之四教不攝於圓。圓必攝四。雖攝於四。圓以貫之。故十善五戒亦圓教攝。尚非三四。況初二耶。斯則有其所通。無其所局。

前之四教下。法合。以四教合於百川。圓教合於大海。言尚非三四。況初二者。合前故。隨一滴。迥異百川。卽舉勝顯劣。三卽終教。四卽頓教。初二卽小乘。及與始教。雖有戒善。是圓教戒善。尚不同終頓之勝。以彼不能事事無礙故。況初二之劣。以彼尚不得二空。及事理無礙等故。其猶大海。尚異江河。况

於溝洫斯則等者二釋妨也。謂有難言。先則總收。後則總揀。二義天隔。何以會通。故爲此釋。總收者。約其所通。如圓教中有小乘戒善。四諦因緣。有始教中十地十如。八識四智。有終教中事理無礙。有頓教中言思斯絕等。如海有百川之水。水義同也。後總揀者。約無其所局。如小乘唯人空自利。始教五性三乘。終教不說德用。該收頓教一向事理雙絕。如彼百川不同鹹味。不具十德。海則具之。

故此圓教語廣明無量乘。語深唯顯一乘。一乘有二。一同教一乘。同頓同實故。二別教一乘。唯圓融具德。故以別該同皆圓教攝。

一同教者。謂終頓二教。雖說一性一相。無二無三。不辨圓融具德。事事無礙。故非別教。而別教中有一性一相。事理無礙。言思斯絕。同彼二教。以別該同下。三通妨。謂有難言。既同頓同實。何異頓實。故此通云。卽此同中。必有別義。如事理無礙。必有事無礙耳。猶彼江水入海亦鹹。

今顯別教一乘。畧顯四門。一。明所依體事。二。攝歸真實。三。彰其無礙。四。周徧含容。各有十門。以顯無盡。初中十者。一。教義。二。理事。三。境智。四。行位。五。因果。六。

依正七體用。八人法。九逆順。十應感。  
教卽能詮。卽前五教。乃至光香等。義卽所詮。卽五教  
等一切義理。理卽生空所顯。二空所顯。無性眞如等  
理事。卽色心身方等事。餘可思準。

教卽能詮下。二畧釋也。但釋教義事理。二對言。乃  
至者。謂諸法顯義。但能詮理。並爲教體。如下教體  
中明。有以光明而爲佛事等是也。義卽所詮。一切  
義理者。如前立教中。約所詮差別。七十五法。八識  
等義。十對法等。皆是義也。理卽生空等者。具五教  
理。生空所顯。是小乘教理。二空所顯。是始教理。無

性眞如。是終教理。而言等者。等餘二教之理。謂頓  
教理。亦卽無性眞如。體絕安立。如性雙遣。亦不離  
如圓教之理。總融諸理。無有障礙耳。事卽色心等  
者。等取其餘事類。如身廣有多義。謂六道四聖等。  
若事門中。無不此攝。餘可思準者。卽餘八門。謂二  
境智者。卽五教所觀之境。能觀之智。總收不出一  
諦二智。別卽初小乘。四諦涅槃爲境。無漏淨慧爲  
智。及他心等十智。始教亦通四諦二諦等爲境。加  
行根本後得等智。終教則是三諦等境。權實無礙  
等智。頓教則無境爲境。絕智爲智。圓教則無盡之

境無盡之智。四行位者。五教修行不同。得位差別。行位通。因通果。五因果自互不通。如七方便等。爲因。須陀洹等。爲果等。覺已下。皆因。妙覺爲果。六依卽國土。正卽佛身等。七體則法報。用則應化等。八人則覺者等。法則菩提等。九逆則婆須無厭等。順則觀音正趣等。十應卽起。感佛及菩薩等。感卽當機菩薩衆生等。各隨五教以辨差別。諸教具有。故云可思。又此十對。初一爲總。後後漸畧。若辨次第者。如來說能詮之教。所詮之理。則無法不盡。法有教。理行果。行果並在所詮理中故。一就所詮理。雖

復衆多。不出事之與理。卽性及相。無法不攝。三理該下八。且置而勿論。就其事中。不出境智。四智觀於境。便有造修之行。所成之位。五行位未極。總屬因收。極則爲果。六果中多法。不出依正。因亦有之。七隨依正中。皆有體用。如正中體者。法報。用者應化。依中體者。法性等利。用者應物。隨現交入。無礙。因門例然。八正中自有入法不同。以法成人。以人弘法。九於人中。逆化順化。十人之逆順。必有感應。宜逆化感之。則婆須等應之。宜順化感之。則文殊等應之。若依後後開一成。二則法彌多矣。謂如果

分依正爲二。因亦如之。則有四矣。正有體用。依亦如之。則成八矣。如是相望。展轉成多。不必全爾。故不爲此釋耳。又此十對。就其正意。總相該收。以爲十玄所依體事。若以義取。隨一事上。卽有十對。如下勝音蓮華處說。故下但約一塵。卽具十對。上明所依體事竟。

第二攝歸真實者。卽真空絕相觀。經云。法性本空寂。無取亦無見。性空卽是佛。不可得思量。亦有十義。如法界觀。

卽真空下。指法之本。然杜順和尚法界觀中。總有

三觀。一。真空絕相觀。二。理事無礙觀。三。周徧含容觀。卽今疏後之三門。攝歸真實。卽真空絕相。於中自有四句十門。一。會色歸空觀。二。明空卽色觀。三。色空無礙觀。四。泯絕無寄觀。此爲四句。前二各四。故爲十門。初句四門者。前三同言色不卽空。以卽空故。釋乃不同。一。明不卽斷空。以卽真空故。二。明青黃等不卽真空。以青黃無體故。卽是真空。三。空中無色。可卽空故。云不卽空。以會色歸空。無有體故。卽是真空。上三以法揀情。四色卽是空。以無性故。如色旣然。萬法皆爾。第二明空卽色觀。亦有四

門前三門準前言同釋別但翻云空不卽色以卽色故亦有三義一斷空不卽色以真空必不異色故二以空理非青黃故非色非青黃之真空必不異青黃故云卽色三空是所依故不卽色必與能依爲所依故云卽色也上三揀情四空卽是色凡是眞空必不異色故第三空色無礙觀者謂色舉體是眞空故色不盡而空現空舉體不異色故空卽色而空不隱故無礙一味第四泯絕無寄觀者謂此眞空不可言卽色不卽色卽空不卽空一切法皆不可不可亦不可此語亦不受迴絕無寄言

解不及以生心動念乖法體故以前八門揀情顯解第三門解終趣行第四門正成行體由解成行行起解絕上皆法界觀義所以疏中不廣引者以第三空色無礙濫於第二理事無礙觀故彼所以立者以第四泯絕無寄泯前三故故名眞空絕相今但取一門總意亦卽泯絕無寄又欲令四門成四種法界故初門卽事此門卽理三卽事理無礙四卽事事無礙故上攝歸眞實竟

第三彰其無礙然上十對皆悉無礙今且約事理以顯無礙亦有十門



第三理事無礙觀中。疏文分三。

初總標中言十對皆悉無礙者。謂一教義無礙。二理事無礙。三境智無礙。乃至十應感無礙。今且約理事者。理事是所詮法中之總故。又諸處多明理事無礙故。爲成四法界故。

一理徧於事門。謂無分限之理。全徧有分限事中。故一纖塵。理皆圓足。

一理徧於事下。第二別釋十門。卽爲十別。一門中。多先正釋。後會前義。卽前性相不同中十對之義。或一門會一義。或二門同會一義。或一門以會多義。至文當知。又十對中。唯會法性。以是同教一乘義分齊故。如前云。三乘一乘別。今但會一乘。五性一性別。但會一性。十對皆然。

今初第一門不會。至第二門一時會故。謂無分限下正釋。謂理不可分。故無分限。事隨緣別。故分位歷然。而不相離。故得相徧。今明理不異事。故徧事中。故一一纖塵下。三結成徧義。若不全徧。則理可分。事不全攝。亦不卽理。如一纖塵。事事皆爾。正徧此時。不妨餘徧故。亦非餘處無理。全此全彼。亦非二理。

二事徧於理門。謂有分之事。全同無分之理。故一小塵。卽徧法界。

二事徧於理門者。文二。

先正明所以要全同者。以事無別體。還如理故。若不全同。則不如理。色不異空。義不極成。然相徧二門。超情難見。何者。謂事既有分。理卽無分。如何得徧。若塵徧法界。塵應非小。理徧同事。應如小塵。今明由事與理。有非一。非異義故。以非異故。全同。以非一故。不壞分。無分。則事理兩分。如海之波。一波全徧大海。以同海故。大海全在小波。以海無二故。

全在一波。亦全在諸波。同一海故。

由上二義。互該徹故。皆同一性。

由上二義。下會前。

初正明謂事有分限。理無分限。五性約事。一性約理。今理徧於事。則一性之理。全在五性之中。事徧於理。五性卽是一性。故云互該徹故。皆同一性。

故出現品云。如來成正覺時。於其身中。普見一切衆生成正覺。乃至普見一切衆生。入涅槃。皆同一性。所謂無性。

故出現下。二引證。此文釋通二義。一。正是事事無

礙義以衆生及佛皆是事故。今取釋文皆同一性之義。證事理無礙。由理徧事。故衆生隨理而在佛中。

理徧事故。一。成一切成。事徧同理。故說都無所成。理徧事故下。第二明成佛不成佛義。謂理無二實。故該多事而皆成也。理如虛空。故事同理而無成矣。

經云。譬如虛空無成無壞。

經云。譬如如下。引證亦出現品成正覺中。義引之耳。文云。佛子。譬如虛空。一切世界。若成若壞。常無增

減。何以故。虛空無生。故諸佛菩提亦復如是。若成正覺不成正覺亦無增減。何以故。菩提無相無非相。無一無種種。故卽無所成義。由上二義。欲成則念念常成。欲不成則十方三際無成佛者。故成與不成自在無礙。

一性無性卽是佛性。

故涅槃云。佛性名第一義空。第一義空名爲智慧。

故涅槃下。二引證。以第一義空卽無性故。大意祇爾欲窮法源。故復畧引。然此經二十七師子吼品問於佛性。總有六問。問云。何爲佛性。初問體性。以

何義故名爲佛性。二問性名義何以復各常樂我

淨。二問性德若一切衆生有佛性者何故不見一

切衆生所有佛性。四問衆生不見所以十住菩薩

住何等法。不了了見佛住何法。而了了見。五問住

法差別十住菩薩以何等眼。不了了見佛以何眼

而了了見。六問用眼不同答第一問。經云佛性者

名第一義空。第一義空名爲智慧。所言空者不見

空與不空。智者見空及與不空。常與無常。苦之與

樂。我與無我。空者一切生處。不空者謂大涅槃。乃至云無我者。卽是生處。我者謂大涅槃。見一切空。

不見不空。不名中道。乃至見一切無我。不見我者。

不名中道。中道者名爲佛性。以是義故。佛性常恒

無有變易。無明覆故。令諸衆生不能得見。薦福釋

云。然佛性有二。一性得。二修得。佛性名第一義空。

第一義空名爲智慧者。卽性得中道智慧覺性。如

密嚴云。如來清淨藏。亦名無垢智。常住無始終。離

四句言說。亦如華嚴經云。無相智。無礙智。具足在

於衆生身中等。非是從緣智慧名智慧也。有自性

徧照法界光明義。故名智慧也。從所言空下。明修

得性。修得覺性。觀第一義空。不見空與不空。離有

撰述  
華嚴玄談卷六  
十一  
無相故。從智者見空。下。明見中道之人。智者卽佛  
及菩薩也。從空者下。明空有等法也。空卽徧計依  
他。不空卽圓成實性。下文云。一切諸法。皆是虛假  
隨其滅處。卽是第一義空等。故知第一義空。是不  
空。如來藏。非空。如來藏。諸佛菩薩。眞俗雙觀。有無  
齊照。故名中道。又準下文云。佛性云何爲空。第一  
義空故。云何非空。以其常故。云何非空。非非空。能  
與善法作種子故。準此經文。第一義空。不是空。如  
來藏。上卽薦福意。亦有深理。今正釋者。與上少異。  
初云佛性者。各第一義空。第一義空名爲智慧者。

卽雙標空智。以第一義空。該通心境。故明卽是智  
慧。揀異瓦礫。非情。從所言空者下。經自雙釋二義。  
所言空者。牒上第一義空。以空有雙絕。方名第一  
義空。故云不見空。與不空。智者見空。及與不空。下  
釋上智慧。經文稍畧。若具應云。所言智慧者。能見  
於空。及與不空。故此中者字。非是人也。祇是牒詞。  
此中言見。非約修見。但明性見。本有智性。能了空  
不空。故若無本智。誰知空不空耶。我無我等。亦爾。  
約修見者。自在下經。答第五六問中。及無明覆下。  
方論見不見耳。今以卽智明空。故名第一義空。卽

無遺  
華嚴經疏卷一  
三  
空之智。方是常恒智性。不生故常。不滅故恒。古德引下經空等二文。證成第一義空非空。如來藏。今觀所引。正證是空。如來藏義。云何非空。已下。方證名爲智慧之義。空智相成。方爲眞佛性義。則知二藏亦不相離。以其佛性。妄法不染。故名爲空。其恒沙德。故名不空。要空諸妄。方顯不空之德。故不相離。思之。又言第一義空者。第一義諦。上論空。故明知空性智性。無二性也。故初言卽是第一義空。又云。見一切空。不見不空。不名中道。中道者。名爲佛性。若爾。雙見。方有佛性。不雙見。時。應無佛性。故知

一切空不空等言。合於能所。約其所見。空與不空。卽是中道佛性。約其能見。若不雙見。不識佛性。若見中道。各見佛性。餘如彼經及疏。

又出現云。無一衆生不具如來智慧。無不有者。卽一乘義也。

又出現云。下第二會一乘。無不有者。釋成一乘義。若有一人無智慧性。卽有二乘三乘耳。

三依理成事門。謂事無別體。要因理成。如攬水成波故。

三依理成事門有二。

華嚴發願卷下  
三  
先總釋言要。因理成者。以諸緣起。皆無自性。故由無性理。事方成。故中論云。以有空義故。一切法得成。又離真心。無別體故。

於中有二。一明具分唯識變故。覺林菩薩偈云。心如工畫師。能畫諸世間。五陰悉從生。無法而不造。此明唯心義也。何以得知是具分耶。次頌云。如心佛亦爾。如佛衆生然。應知佛與心。體性皆無盡。既是卽佛之心。明非獨妄心而已。

於中有二下。第二會上三義。由前離真心無別體故。成初具分唯識。由前無性理故。成眞如隨

緣義。

今初言具分者。以不生滅與生滅和合。非一非異。名阿賴耶識。卽是具分。以具有生滅不生滅。故不生滅。卽如來藏。卽是會前唯心眞妄別中。通其眞心也。若不全依眞心。事不依理。故唯約生滅。便非具分。有云影外有質。爲半頭唯識。質影俱彰。爲具分者。此乃唯識宗中之具分耳。覺林偈卽夜摩宮中偈讚品。先有喻云。譬如工畫師。分布諸彩色。虛妄取異色。大種無差別等。疏所引偈。卽合上半。初句合譬。如工畫師。下三句皆合分布諸彩色。次引

證具分偈亦合分布彩色並如夜摩偈讚品釋。

二明真如隨緣成。故問明品文殊難云。心性是一。云何見有種種差別。卽緣性相違難。覺首荅云。法性本無生。示現而有生。卽真如隨緣荅。又云。諸法無作用。亦無有體性。明隨緣不失自性。卽同勝鬘依如來藏有生處。依如來藏有涅槃等。

二明真如隨緣成者。卽會前真如隨緣凝然別中隨緣義也。緣從真起。故依理成。離如來藏。一切諸法不可得故。

四事能顯理門。謂由事攬理成。故事虛而理實。

四明事能顯理門分二。

先正明。謂由攬理成者。躡前第三門也。故事虛而理實者。由攬理成。離理無事。故事却虛。理則實也。以事虛故。能顯實理。事若有實。實理則隱。以事虛故。全事中之理。挺然露現。如波相虛。令水現也。以波攬水成。故波虛水實。故波能顯水。若離波說水。卽事外明空。

依他無性。卽是圓成。如波相虛。令水現故。

依他無性等者。釋成上義。卽是會前依他空。有卽離別中卽義。旣云依他無性。卽是圓成。明非但無。



辯計性別有圓成是所顯理。

夜摩偈云云何說諸蘊諸蘊有何性蘊性不可滅是故說無生分別此諸蘊其性本空寂空故不可滅此是無生義衆生既如是諸佛亦復然佛及諸佛法自性無所有又十忍品云譬如谷響從緣所起而與法性無有相違須彌頂偈云了知一切法自性無所有如是等文徧於九會。

夜摩下引證總引三文初夜摩偈卽力林菩薩偈三偈連綿二引十忍品卽如響忍三引須彌偈卽勝慧菩薩偈下半云如是解法性則見盧舍那此

前有一偈反釋云迷惑無智者妄取五蘊相不了彼真性是人不見佛。

五以理奪專門謂事既全理則事盡無遺如水奪波波相全盡。

五以理奪專門分二。

先正釋言事既全理卽事盡無遺者以離真理外無片事可得故斯則水存而波壞矣。

故說生佛不增不減。

出現品云譬如虛空一切世界若成若壞常無增減何以故虛空無生故諸佛菩提亦復如是若成正覺

不成正覺亦無增減何以故菩提無相故乃至云設一切衆生於一念中悉成正覺與不成正覺等無有異皆以無相平等故不增不減經亦同此說非約一分衆生不成佛者說無增減耳。

出現品下引證畧引二經初引當經乃至云設一切等者其乃至中合云菩提無相無非相無一無種種故佛子假使有人能化作恒河沙等心一心復化作恒河沙等佛皆無色無形無相如是盡恒河沙等劫無有休息佛子於汝意云何此人化心化作如來凡有幾何如來性起妙德菩薩言如

我解於仁所說義化與不化等無有異云何問言凡有幾何普賢菩薩言善哉善哉佛子如汝所說設一切衆生下同疏末後云皆以無相平等故者義引合云等無有異何以故菩提無相故若無有相則無增減不增不減經下二引他經言雖小異而文義多同。

六事能隱理門謂眞理隨緣而成事法遂令事顯理不現也如水成波動顯靜隱。

六事能隱理門卽隨緣之中別義以隨緣成事此事徧於眞理故事顯理隱也。

故法身流轉五道。名曰衆生。財首偈云。世間所言論。一切是分別。未曾有一法。得入於法性等。

法身下引證。卽法身經。財首偈云者。卽問明品。

七眞理卽事門。謂凡是眞理。必非事外。以是法無我理。故空卽色。故理卽是事。方爲眞理。

七眞理卽事門者。以事必依理。理虛無體。是故此理舉體皆事。方爲眞理。如水卽波。無動而非濕。故水卽波也。

第七廻向云。法性不違法相等故。

法性不違法相等者。等於餘文。具云法性不違相。

法相不違性。法生不違性。法性不違生。此兩對明事理無違。相不違性。生不違性。自屬事能顯理。及第八事法卽理門。故但畧引性不違相一句。卽第二十九經。

八事法卽理門。謂緣集必無自性。舉體卽眞故。

上之二門。正明二諦不相違義。如濕不違波。波不違濕。舉體相卽故。夜摩偈云。如金與金色。其性無差別。法非法亦然。體性無有異。

上之二門下。併將七八二門。會前五義。

一會二諦空有卽離別中相卽義也。濕喻眞諦。波

華嚴經疏卷一  
揀述  
喻俗諦。夜摩偈者。卽精進林菩薩偈。彼初偈云。諸法無差別。無有能知者。唯佛與佛知。智慧究竟故。次文卽云。如金與金色。其性無差別。法非法亦然。體性無有異。然法非法。有其二義。一善法爲法。惡法爲非法。此順標中諸法無差別。二者法相爲法。法性爲非法。卽金喻法性。色喻法相。今文正用後意。故證事法卽理。二諦相卽。

此亦喻於如來之藏。與阿賴耶。展轉無別。

此亦喻於下。二重會前唯心眞妄別中。通眞心義。金喻如來藏。色喻生死等。故密嚴云。如來清淨藏。

世間阿賴耶。如金與指環。展轉無差別。由前第三門中已會。故致亦言。

又由事卽理故。雖有不常。理卽事故。雖空不斷。

又由事卽理下。會不斷常。亦是二諦門中開出。

又由事理相卽。故起滅同時。須彌偈云。一切凡夫行。莫不速歸盡。其性如虛空。故說無有盡。智者說無盡。此亦無所說。自性無盡故。得有難思盡等。則同時四相不待後無。

又由事理相卽等者。會四相前後一時別中一時之義。事全同理。故事卽滅也。以事虛無體故。引偈。

卽善慧菩薩。

亦令究竟斷證離於能所。十地品云。非初非中後非言詞所及。迴向品云。無有智外如爲智所入。亦無如外智能證於如等。

亦令究竟下。會能所斷證卽離別中卽義。然引十地斷惑經文。但初一句是斷惑相。三時無斷。方說斷故。後之一句是般若相。今以般若亦爲能斷。故因便引之。故論釋此句云。卽是觀行相。謂無分別智。體絕名言。眞智內發。不同聲聞依聲而悟。故旣爲眞智。故可斷惑。迴向品云等者。亦證斷惑能所

不二。義如前說。上所引經。皆至下本文。自當曉了。九眞理非事門。卽妄之眞。異於妄故。如濕非動。

九眞理非事門者。謂卽事之理而非是事。以眞妄異。故實非虛。故所依非能依。故如卽波之水。非波以濕非動。故是則不異。有之眞空。空存也。

十事法非理門。卽眞之妄。異於眞故。如動非濕。故慚愧林偈云。如色與非色。此二不爲一。又云。如相與無相。生死及涅槃。分別各不同等。

十事法非理門者。謂全理之事而恒非理。以性相異。故能依非所依。故是故舉體全理而事相宛然。

撰述  
如全水之波。波恒非水。以動非濕。故是則不異空  
之幻事。事存也。

上七八二門。明事理非異。九十二門。明事理非一。故  
爲無爲。非一非異。第四廻向云。於有爲界。示無爲法。  
而不滅壞。有爲之相。於無爲界。示有爲法。而不分別  
無爲之性。

上七八二門下。用前四門會前佛身無爲有爲別  
中無爲義也。然大品亦云。須菩提。白佛。若是法平  
等。無有高下。爲是有爲。爲是無爲。佛答。非有爲法。  
非無爲法。何以故。離有爲法。無爲法。不可得。離無  
爲法。有爲法。不可得。須菩提。有爲無爲。不合不散。  
皆其義也。

上之十事。同一緣起。故云無礙。約理望事。則有成有  
壞。有卽有離。事望於理。有顯有隱。有一有異。逆順自  
在。無障無礙。同時頓起。深思。令觀明現。以成理事圓  
融無礙觀也。

約理望事下。別束十門。以成八字。理望於事。有其  
四義。一有成者。卽第三依理成事門。二有壞者。卽  
第五以理奪事門。旣奪彼事。事則壞也。三有卽者。  
卽第七眞理卽事門。四有離者。卽第九眞理非事

門。事望於理。亦有四義。一有顯者。卽第四事能顯理門。二有隱者。卽第六事能隱理門。三有一者。卽第八事法卽理門。四有異者。卽第十事法非理門。此上言成壞等者。就功能說。如有成者。是理成事。非理自成。則一一門。皆有理事無礙。故云約理望事。約事望理。餘可思之。上來相參。故有四對八義。而初相徧二門。今不會者。以相徧之義。義皆相似。非如一成一壞等。故不顯之。又相徧者。卽後八門之所以故。謂由相徧。方有成壞。若欲攝者。卽事理相卽二義所收。後之不卽二門。不壞能所。方有相

徧。有相徧故。方論不卽逆順自在等者。事理相望。各四義中。皆二義逆。二義順。謂依理成事。真理卽事。順也。以理奪事。真理非事。逆也。事能顯理。事法卽理。順也。事能隱理。事法非理。逆也。欲成卽成。欲壞卽壞。故云自在。成不礙壞。壞不礙成。顯不礙隱。隱不礙顯。故云無礙。正當成時。卽是壞等。故得同時。四對皆無前却。故云頓起。又上四對。何以約理望事。但云成等。不云顯等。約事望理。但云顯等。不云成等。深有所以。何者。事從理生。可許云成理。非新有。但可言顯。事成必滅。故得云壞。真理常住。故

撰述  
但云隱其卽之與一。離之與異。大旨則同。細明亦異。理無形相。但可卽事。而事有萬差。故可言與理冥一。理絕諸相。故云離事。事有差異。故云異理。上約義別。有此不同。若統收者。應成五對無礙之義。一相徧對。二相成對。三相害對。四相卽對。五不卽對。五中前四明事理不離。後一明事理不卽。又五對中共有三義。成顯一對。是事理相作義。奪隱及不卽二對。是事理相違義。相徧及相卽二對。是事理不相礙義。又由第二相作。故有第四相卽。由相卽故。所以相徧。由有第三相違。故有第五不卽。若

無不卽。無可相徧。故說真空妙有。各有四義。初約理望事。卽真空四義。一廢已成他義。卽依理成事門。二泯他顯己義。卽以理奪事門。三自他俱存義。卽真理非事門。四自他俱泯義。卽真理卽事門。由其卽故而互泯也。又初及三。卽理徧於事門。以自存故。舉體成他。故徧他也。後約事望理。卽妙有四義。一顯他自盡義。卽事能顯理門。二自顯隱他義。卽事能隱理門。三自他俱存義。卽事法非理門。四自他俱泯義。卽事法卽理門。又初及三。卽事徧於理門。以自存故。而能顯他。故徧他也。故說幻有存



亡無礙。真空隱顯自在。上彰其無礙竟。

第四周徧含容。卽事事無礙。且依古德。顯十玄門。於中文二。先正辨玄門。二明其所以。

第四周徧含容二。

先標舉章門。然此觀名。卽法界觀中之名。以當事事無礙。以理有普徧廣容二義。融於諸事。皆能周徧含容。衆多義門。皆悉由此二義而有。然法界觀立十觀名。與十玄不同。故今疏云。且依古德。顯十玄門。卽依賢首也。至相已有。而小有不同。

今初。一。同時具足相應門。二。廣陞自在無礙門。二。

多相容不同門。四。諸法相卽自在門。五。秘密隱顯俱成門。六。微細相容安立門。七。因陀羅網境界門。八。託事顯法生解門。九十。世隔法異成門。十。王伴圓明具德門。此之十門。同一緣起。無礙圓融。隨其一門。卽具一切。

今初一下列名總顯。文中十名。全依賢首。是故上云。且依古德。就列名中。其第二廣陞自在門。同法界觀中廣容普徧之義。而名小異。此門賢首新立。以替至相十玄諸藏純雜具德門。意云。一行爲純。萬行爲雜等。卽事事無礙義。若一理爲純。萬行爲

雜卽理事無礙恐濫理事無礙所以改之。王伴一門至相所無而有唯心迴轉善成門。今爲玄門所以故不立之。而列名次亦異於彼。彼云一同時具足相應門。二因陀羅網境界門。三秘密隱顯俱成門。四微細相容安立門。五十世隔法異成門。六諸藏純雜具德門。七一多相容不同門。八諸法相卽自在門。九唯心迴轉善成門。十託事顯法生解門。今不依至相者。以賢首所立有次第故。一同時具足相應門。以是總故。冠於九門之初。二廣陬門。別中先辨此者。是別門之由。由上理事無礙中理事

相徧故。生下諸門。且約事如理徧故廣。不壞事故。隱。故爲事事無礙之始。三由廣陬無礙所徧有多。以已望多。故有一多相容相容則二體俱存。但力用交徹耳。四由此容彼。彼便卽此。由此徧彼此。便卽彼。故有相卽門。五由互相攝則互有。隱顯謂攝他。他可見。故有相入門。攝他。他無體。故有相卽門。攝他。他雖存。而不可見。故有隱顯門。以爲門別。故。故此三門皆由相攝而有。相入則如二鏡互照。相卽則如波水相收。隱顯則如片月相映。六由此攝他。一切齊攝。彼攝亦然。故有微細相容。七由互

攝重重故有帝網無盡。八由既如帝網隨一卽是一切無盡。故有託事顯法。九由上八皆是所依。所依之法既融。次辨能依。能依之時亦爾。十由法法皆然。隨舉其一。則便爲主。連帶緣起。便有主伴。廣如下釋。然判定記則分德相業用各有十。玄德相十者。一同時具足相應德。二相卽德。三相在德。四隱顯德。五主伴德。六同體成卽德。七具足無盡德。八純雜德。九微細德。十因陀羅網德。二業用十者。一同時具足相應用。二相卽用。三相在用。四相入用。五相互作用。六純雜用。七隱顯用。八主伴用。九微

細用。十因陀羅網用。其德相門中無業用門中四。五業用中無德相六七。彼師意云業用是應機施設。故有相入相作。以本不入。今見入故。本來衆生非佛。今生作佛故。故是業用。德相不爾。故無相作相入。其德相本具。故有一切法德。及具足無盡德。業用不爾。故無此二。此四互出。故各有十。歷門備舉。便成二十。今明德用雖異。不妨同一十。玄無不該。攝德相亦有常入作故。故彼相在卽相入也。彼相作者。乃相卽也。名異義同。今見出入。卽業用門。常相涉入。如鏡互照。卽德相門。以衆生爲佛。生卽

佛也以佛作衆生佛卽生也。故知相作卽是相卽。若約對機而作名業用門。本來卽是名德相門。依此而分。非無小異。統其體事更無別也。是知相卽相作。二名雖異。而無兩門。入在小殊。始終一致。又德相不能入作。眞如則闕此德。不應有普攝諸法之德。及徧一切法德。亦應無有能安立德。及能持世間成就一切諸佛菩薩之德。故常作入於理無違。如有頌言。諸佛猶如淨明鏡。我身一似摩尼珠。諸佛常來入我體。我身徧入諸佛軀。卽常入也。又眞如隨緣成一切法。何無作耶。若隨情見作入。但

有業用義也。其同體成卽德。乃此中託事顯法生解門。但名異耳。故彼自釋云。一一卽是一切諸法。故與下釋託事義同。其具足無盡德。卽帝網門。亦微細門攝。並如下會。又彼不存廣狹。而存純雜。亦如下會。而彼無十世門。彼以時爲所依體事。故彼體事亦有十種。謂色。心。時。處。身。方。教。義。行。位。則攝法無遺。斯亦有理。今明時無別體。故不爲所依。但依法立。故入玄門耳。亦如下會。

今且於前十中。取一事法。明具後十門。

如下文中。一蓮華葉。或一微塵。則具教等十對同時。

撰述  
相應具足圓滿亦具後之九門及彼門中所具教等以是總故故下文云一切法門無盡海同會一法道場中華藏頌云華藏世界所有塵一一塵中見法界一塵尚具况一葉耶

初卽同時具足相應門以近初列故不標次則具教等者初當門中具也此中正意卽明具前教義理事境智行位因果等十對之法前十對法無法不包故此頓具則無所不具所以具者廣有十因畧而言之法界融故然古德就一華上義有此十探玄記云此一蓮華表令生解爲教卽是所詮爲

義如下勝音菩薩蓮華處說二華相爲事華體爲理下云法界不可壞蓮華世界海三華是所觀亦是能觀以此經中可以內行爲外事故四行事之華結成位故五因事之華攬成果故六華臺所依亦入正故如國土身等七華體同真用應機故八全攬爲人恒是法故九逆同五熟順十度故十應赴羣機亦能感故如一華事旣爾餘一切事準以知之如事法旣爾餘教義等一切皆然準思可見如具自十對旣爾彼一華葉具十門亦然釋曰若依古德此義則一事華上已有此十前之十對復

各有十。令一事華頓具十。亦有斯理。今此疏意。但令頓具前十。已無不收耳。○亦具後者。二明具餘九門。亦釋成總義。若唯具當門。不成總故。而言所具教等者。下九門各有教義理事境智等故。今能具門。既全在初門。門門所具。居然在此。然九門具教等。雖同。於義各別。謂廣狹門。則十皆廣狹。謂教廣狹。義廣狹。理廣狹。事廣狹等。若相入門。則十皆相入。下七例然。○故下文第二引證。於中先引妙嚴品。卽普智眼廣果天王偈。彼偈下半云。如是法性佛所說。智眼能明此方便。此明一門中具

無盡。則無不具足也。○後引華藏偈。下半云。寶光現佛如雲集。此是如來刹自在。今但引塵舍法界。便是總義。以教義理事境智及廣狹相入等。卽法界故問。但言法界。寧知非是理法界耶。答曰。以下半云。寶光現佛如雲集。此是如來刹自在。明知是舍事法界耳。○一塵尚具况一葉者。舉細况麤。釋成玄妙耳。又妙嚴品。喻佛身云。譬如虛空。具舍衆像。此舉佛身具足諸法也。又晉經性起品云。三世一切劫。佛刹及諸法。諸根心。心所。一切虛妄法。於一佛身中。此法皆悉現。是故說菩提。無量無有邊。

亦約佛身心具也。又普賢三昧品云。能令一切國土所有微塵。普能容受。無邊法界。據能令之言。但以業用總由德相本自具足。卽是德相。令物見之。卽爲業用。下德相業用準之。第十行云。此菩薩於其身中。現一切刹。一切衆生。一切諸佛。第八十云。善財見普賢。一身分。一毛孔。皆有十方一切世界。三千界中。地水等輪。諸山河海。入天宮殿。種種時劫。諸佛菩薩。如見現在世界。如是前際後際。一切世界中。悉亦明見。乃至十方刹塵中。現三世一切境界。一切佛刹。一切衆生。一切佛出興。一切

菩薩。及聞佛菩薩衆會言音。斯並同時具足相應門也。

二卽彼花葉。普周法界。而不壞本位。以分卽無分。無分卽分。廣陞自在。無障無礙。十定云。有一蓮花。盡十方際。而不妨外。有可見。是故。或唯廣無際。或分限歷然。或卽廣卽陞。或廣陞俱泯。或具前四。以是解境故。或絕前五。以是行境故。下皆准此。然此廣陞。亦名純雜。普周法界故。純一無二。不壞本位。則不妨於雜。萬行例然。

二卽彼花葉下。廣陞自在。無礙門。初正明。二句出

廣陘相言以分卽無分無分卽分者出其所以由  
花是事分限歷然而卽同真性故無分限便廣無  
際以事如理故無分卽分者明廣卽陘以不壞相  
故○十定品下二引證卽第十無礙輪三昧之文  
當四十三有一蓮花盡十方際卽是經文然此猶  
畧具云佛子菩薩摩訶薩有一蓮花其花廣大盡  
十方際以不可說葉不可說寶不可說香而爲莊  
嚴等次云而不妨外有可見者乃是義引彼經云  
衆生見者無不禮敬故知亦有外相可見也七十  
七善財歎樓閣云不動本處能普詣一切佛刹而

莊嚴者之所住處七十六摩耶夫人云又善男子  
彼妙光明入我身時我身形量雖不踰本然其實  
已超過世間所以者何我身爾時量同虛空悉能  
容受十方菩薩受生莊嚴諸宮殿故如是等文皆  
廣陘自在也○是故或唯廣下三句數分別初事  
如理故廣二不壞本相故陘三此二同時故有卽  
廣卽陘四同時互奪故有俱泯五具前四一時照  
了故云解境行起解絕故有第六總絕前五誰復  
以廣陘存泯當其方寸○然此廣陘下二會純雜  
門以古十玄有此名故賢首意云萬行純雜有通



事理無礙及單約事說故廢之耳謂同一法界故  
純不壞事相故雜此卽事理無礙也一行長行故  
純不妨餘行故雜此但約事也故昔廢之而立廣  
隱今欲會取卽事同理而徧故純不壞一多故雜  
則亦有事事無礙義耳如以入門取之則一切皆  
入故純入中有多法門故名爲雜如妙嚴品說諸  
衆海各各唯得一解脫門純也普賢菩薩得不思  
議解脫門雜也六十五慈行童女云我於三十六  
恒河沙佛所修得此法彼諸如來各以異門令我  
入此般若波羅蜜普莊嚴門卽純雜無礙也又善

財童子所求諸善知識各言我唯知此法門故又  
云多劫唯修此法門者卽純門也諸善知識皆推  
進云如諸菩薩種種知見種種修行種種證得者  
此雜門也自言知一推他有多自他雖異然屬一  
身此亦純雜無礙門也又善財普獲諸善知識解  
行德證亦雜門也然上所引數處經文多皆約行  
一行多行爲純雜故並通單約事明然通德相若  
準無著無縛解脫迴向云以無著無縛解脫心於  
一門中示現經不可說不可說劫無有窮盡令一  
切衆生皆得悟入以無著無縛解脫心成就普賢

佛自在力於種種門中示現經不可說不可說劫  
無有窮盡令一切衆生皆得悟入其身普現一切  
佛前者卽約用純雜也萬行例然者卽約行說純  
雜通於事理事事無礙及單約事行也約事事無  
礙者如一施行一切皆施名純施中具於諸行名  
雜。

三卽此花葉舒已徧入一切法中卽攝一切令入已  
內舒攝同時旣無障礙是故鎔融或有四句六句思  
之下云以一佛土滿十方十方入一亦無餘若一與  
一切對辨則攝入各具四句謂一入一切一切入一。

一入一一切入一切互攝亦然。

三一多相容不同門於中有三。初正釋卽如理  
之徧。如理之包。○舒攝同時下句數料揀例上廣  
隱故云思之若具作者一或唯入以一入一切故  
二或唯攝以一攝一切故。三卽入卽攝同時無礙  
故。四非入非攝以入卽攝故非入攝卽入故非攝  
五或具前四以是解境故。六或絕前五以是行境  
行起解絕故。下云以一佛土等者。二引證卽德相  
門之文其下半云世界本相亦不壞無比功德故  
能爾。上卽晉經依賢首引卽當華藏偈云以一刹

種入一切一切入一亦無餘體相如本無差別無等無量悉周徧第八迴向云此菩薩於一毛孔中普能容納一切國土第九迴向云於一身中悉能包納盡法界不可說不可說身而衆生界無增無減如一身乃至徧法界一切身悉亦如是十定品第二定云三千大千世界微塵數三千大千世界悉入是菩薩身是菩薩身亦是諸世界第七定云菩薩自見其身往彼衆會亦自見身普入諸地普賢行品有十種普入謂一切世界入一毛道一毛道入一切世界等上來經文並通德相業用離

世間品十種無礙用中亦說衆生一多相入六十云十方菩薩以自在力令一切世界展轉相入六十一云此諸菩薩入一切無諍境界乃至能令大小相入以一切方普入一方等十行品云能於一三昧中普入無數諸三昧無量無邊諸國土悉令共入一塵中如是等文多約業用明相入義或通德用或各局一可以意得○若一與一切下三重料揀謂上來約一花葉望餘但有一入一攝多入多攝之義故今更對餘一多等皆有攝入於中先明相入言一入一切者如前初句第二一切入

一者卽以多法來入此一花第三一入一者卽以一花隨對一法如一花葉入一佛身第四一切入一切者獨用一花此句不成卽將多花及諸佛諸菩薩等別入餘花餘諸佛等也○互攝亦然者後例辨相攝也上之四句但明入義今攝亦四第一句一攝一切者謂以一花普攝一切諸法第二句一切攝一者謂以餘一切法攝此一花等第三句一攝一者卽以一花攝一佛等第四句一切攝一切者卽以多花多佛等攝餘多花多佛等也此二四句相隱故疏說之隨一四句中復應有具四絕

五以成六句例前可思故畧不顯然相入門判定記德相不立謂業用則有德相之中卽有相在此公意謂相入相在二相別故今明入卽在義如一鏡影在多鏡中豈非入耶若常相入卽屬德相今見相入卽是業用曾何大殊。

四此一花葉廢已同他舉體全是彼一切法而恒攝他同已令彼一切卽是已體一多相卽混無障礙解行境別六句同前下云知一卽多多卽一等。

四相卽門於中有三初正釋言廢已同他者是相卽義以上相入則此彼互在如兩鏡相照但約

力用交徹明耳。今此約有體無體故言廢已廢已  
卽無已體也。同他他有體也。亦如事理無礙文中  
廢波同濕等。攝他同已則他無體。已有體也。○一  
多相卽等者二句數料揀於中初句結前。含於四  
句。應云一者一卽多。二者多卽一。三者亦一卽多。  
亦多卽一。合上二故。此之三句皆是一多相卽。四  
非一卽多。非多卽一。亦由一多相卽互相奪故。謂  
由一卽多故。非多卽一。由多卽一故。非一卽多。成  
俱泯句。五或具前四。以是解境並明照故。六或絕  
前五。以是行境言忘慮絕。故解行境別卽下二句。

然約同一類法。卽有一多相望。如一花葉望諸葉  
等。若約異類。謂花望刹等。例此可知。復應例前亦  
有四句。謂一者一卽一。二者一卽一切。三一切卽  
一。四一切卽一切。以今但約一花。故畧不言。故下  
結例。該一切法。明具四也。或應有六。此四句後有  
解行境故。復或有六。謂前四句後加一卽多。一多  
卽一多故。復應成八。加多一卽一多一卽多。以並  
不出前四句故。故不例耳。多一既爾。大小長短等  
一一相卽例知。然判定記將相卽門。揀異同體成  
卽德云。相卽據此彼相望同體成。卽約此體卽是

撰述  
華嚴玄旨卷六  
一切法故若爾則是託事顯法門今疏正意但以  
相卽攝同體成卽同體成卽但是一卽多耳。○下  
云下引證卽十住品長行文若偈云一卽是多多  
卽一文隨於義義隨文如是一切展轉成此不退  
人應爲說旣言展轉成卽異體異類相望也不思  
議法品云諸佛知一切佛語卽一佛語此同類相  
卽也初發心品云以發心故卽與三世一切諸佛  
體性平等乃至云眞實智慧等者此則顯位上下  
相卽也七十八彌勒告大衆言餘諸菩薩經無量  
百千萬億那由他劫乃能滿足菩薩行願乃能親

近諸佛菩提此長者子於一生內則能淨佛刹則  
能化衆生則能以智慧深入法界則能成就諸波  
羅蜜則能增廣一切諸行則能滿足一切大願則  
能超出一切魔業則能承事一切善友則能清淨  
諸菩薩道則能具足普賢諸行此則行位皆相卽  
也又如菩薩曾不分身卽徧一切亦一卽多也

五花能攝彼則一顯多隱一切攝花則一隱多顯顯  
顯不俱隱隱不並隱顯顯隱同時無礙全攝俱泯存  
亡俱成句數同前下云東方入正受西方從定起等  
如八日月隱顯同時

五秘密隱顯俱成門疏文分四。一正釋。花能攝彼等者亦躡前起。由上言攝他同已故。若攝他他現卽相入門。若攝他他盡乃相卽門。若攝他他不盡不現卽隱顯門。如前列各中已會。故至相十玄云。猶如十錢。一卽十時。一卽顯二三至十卽各爲隱。亦如見此不見彼。彼各隱此各顯。亦如一人身上六親所望。雖各不同。然各全得。亦不雜亂。由此隱顯體無前後。不相妨礙。各秘密俱成。顯顯不俱等者。以顯俱則無隱。隱俱則無顯。故不得俱。然隱顯同時。故得俱成。隱顯無礙。故云秘密。○全攝俱

泯等者。二句數料揀全攝卽初二句。此全攝彼卽此顯彼隱爲第一句。彼全攝此卽彼顯此隱爲第二句。俱者第三句。謂此正攝彼時。不妨彼攝此。故則亦隱亦顯。泯者卽第四句。此攝彼爲顯時。卽是彼攝此。故非顯則顯泯也。彼爲此攝爲隱時。卽能攝此。故非隱則隱泯也。故是非隱非顯存者。四句皆成。是解境亡者。五句並絕。卽是行境言俱成者。總結上六句也。○下云東方下三引證。東方入正受爲顯。西方從定起爲隱。以此但見入定不見起。故古十玄亦云。於眼根中入正定卽是顯於色塵。

中三昧起卽是隱例上可知○如八日月等者四以喻明卽取明處爲顯暗處爲隱而必同時故云俱成不同十五日唯顯月晦日唯隱又暗處非無明明處非無暗但明顯處暗隱暗顯處明隱亦得云隱顯俱成亦如夜摩偈云十方一切處皆謂佛在此或見在人間或見住天宮則見處爲顯不見處爲隱非佛不徧十定品云或見佛身其量七肘或見佛身其量八肘或見佛身其量九肘乃至或見佛身不可說不可說佛刹微塵數世界量則見七肘時七肘爲顯餘量皆隱也餘顯例然故彼喻

云譬如月輪闇浮提人見其形小而亦不減月中住者見其形大而亦不增釋曰見大則大顯小隱見小則小顯大隱而不增減則是秘密俱成餘一切法類可知也摩耶夫人於此一處爲菩薩母三千世界爲母亦然我此身非一處住非多處住亦隱顯義此處爲母此顯彼隱非一處住卽是一隱例有多顯非多處住卽是多隱例有一顯亦是雙奪俱泯之句非隱非顯秘密之義然若約智幻卽業用門約極位卽德相門。

六此花葉中微細刹等一切諸法炳然齊現下云於



一塵中一切國土曠然安在。又於一毛端處有不可說諸如來。及第九迴向微細中說。

六微細相容安立門。於中分二。先正明炳然齊現者。炳者明也。如瑠璃餅。盛多芥子。隔餅頓見。然微細言。總有三義。一約所含微細。猶如芥餅。以毛孔能受彼諸刹。諸刹不能徧毛孔故。以毛據稱性。却如瑠璃之餅。刹約存相。故如芥子在內。二約能含微細。以一毛一塵。卽能含故。如下引證。三約難知微細微塵不大。刹亦不小。而能廣容。卽難知義。一能含多。卽曰相容。又法法皆爾。故云相容。一多

不壞。故云安立。○下云於一塵中。下二引證畧引二文。初卽晉經。又於一毛端處有不可說諸如來者。第十迴向云。一毛孔中悉明見。不思議數無量佛。一切毛孔皆如是。普禮一切世間燈。卽其文也。然此二文。正唯德相。六十八云。一毛孔內各現無數刹等。卽業用門。又德雲比丘云。任微細念佛門。於一毛端有不可說如來出現。悉至其所而承事故。通於德相業用。第九迴向云。彼菩薩於一念心中。現一切衆生。各不可說不可說劫念心。卽業用門。十微細趣中。通於德相業用。然判定記開此

標述  
華嚴玄旨卷六  
微細以成二門。第三名相在德。第九各微細德。而自揀云。此不同前相在之義。彼約別體別德相望。相在。此但當法卽具一切。炳然齊著。若爾。此一切法。爲是法界中有法耶。爲一法中別自有耶。若是法界中法。則同相在。若是別有。爲示爲眞。示則復是業用門收。德相之中。則無微細。若是眞者。何異同時具足相應門耶。故彼自釋微細門云。此門亦可名爲普門。七十一中寂靜音海夜神謂善財言。此解脫者。卽是普門。於一事中。普見一切諸神變。故旣言普門。卽同同時具足相應門也。若言唯攝

同類一切法者。如十微細中。八相之內。一一各具餘之七相。豈要同類。况一塵中。一切諸法曠然安住。明知相在卽是微細。是故古德有相容言。設此不攝。卽是相入門中所收。如前已會。故知新立。多有相濫。設有小異。皆本門收之。十門卽足。

七此花葉。一一微塵中。各現無邊刹海。刹海之中。復有微塵。彼諸塵內。復有利海。如是重重。不可窮盡。非是心識思量境界。如天帝殿珠網覆上。一明珠內。萬像俱現。珠珠皆爾。此珠明徹。互相現影。影復現影。而無窮盡。下云。如因陀羅網世界等。亦如鏡燈重重交

光佛佛無盡。

七因陀羅網境界門疏文分四。一正釋其相。一花一塵。以稱性故能攝一切。餘塵餘法亦皆稱性。何有一法而不攝耶。應以塵對餘。以辨重重。欲令易見。且以一塵望餘塵說。一塵之內所含諸刹。彼所含刹亦攬塵成。此能成塵亦須稱性。塵既稱性。亦須合刹。第二重內所含諸刹亦攬塵成。塵復稱性亦須合刹。第三重塵合第四重刹。第四重塵合第五重刹。重重塵成。重重稱性。無窮無盡。猶如鏡燈。故下疏文。重舉鏡燈以喻帝網。令於常情見近。

知遠。○如天帝下。二以喻釋名。十門唯此從喻受名。若就法立應名。重現無盡門。一珠之內。頓現萬像。如一塵內。頓現諸法。但是一重。一珠現於諸珠。方成重重之義。珠皆明淨。如塵稱性。一珠現於多珠。猶如一塵現多刹塵。所現珠影復能現影。如塵內刹塵復能現刹。重重影明。重重互現。故至無盡。○下云如者。三引證。卽是初地承事願中文云。又發大願。願一切世界廣大無量。籠細亂住。倒住。正住。若入若行。若來若去。如帝網差別。十方無量。種種不同。智皆明了。現前知見。論釋云。如帝網差別。

者卽眞實義相。意明常稱實理。故不可盡。又阿僧祇品云。一塵中刹不可說。如一切皆如是。此不可說諸佛刹。一念碎塵不可說。念念碎塵悉亦然。盡不可說劫恒爾。此塵有利不可說。此刹爲塵說更難等。不思議法品云。諸佛有十種知一切法盡無有餘。第十二云。諸佛知一切法界中。如因陀羅網差別盡無有餘等。此約德相。若約業用。普賢三昧品云。佛身所現一切國土及此國土所有微塵。一一塵中有世界海微塵數佛刹。一一刹中有世界海微塵數諸佛。一一佛前有世界海微塵數普賢

菩薩。亦重重義。然刊定記於此。開出第七具足無盡德。謂一一自體皆無窮盡。如水中紋。此不同帝網。互在重重。但就當體卽具無盡耳。又亦不同微細。微細約一中多法齊現。此約一一卽無窮盡。妙嚴品云。佛身普徧諸大會。充滿法界無窮盡。又云。其菩提樹。恒出妙音。說種種法。無有盡極。十住頌云。欲具演說一句法。阿僧祇劫無有盡。而令文義各不同。菩薩以此初發心。六十五說具足優婆夷於一小器中。出一切資具飲食等。畢竟無盡。然不減少。彼自釋云。此體德自在。非約解脫等業用。古

撰述  
垂屬文說卷六  
德所以不開者。一重無盡與重重互望無盡。同無盡。故若微細頓現。現於法界。法界無盡。故微細亦無盡。縱出生無盡。亦不出法界。若細分別。非無小異。統其大意。但取無盡。故依古德。不分爲二。○亦如鏡下。四重以喻顯。以重現之理。深遠難測。帝網之喻。世不見形。故以近事以況遠旨。

八見此花葉。卽是見於無盡法界。非是託此別有所表。下云。此花蓋等。從無生法忍之所起等。

八託事顯法生解門。疏文有三。初正釋。旣言卽是無盡法界。明知卽是事事無礙。古立具足無盡。

不異於此。○非是託此者。二棟濫。謂棟餘教以事表義。但是一事以表一法。如衣表忍辱。室表慈悲等。今明一事。卽法卽人。卽依卽正。具無盡德。從無盡因之所生故。○下文云等者。三引證。卽昇兜率天宮品。彼有三段。文合四義。謂初一段。文有十句。明於多因以成多果。謂併列多因。後說多果。故經云。百千億那由他。不可說先任兜率宮諸菩薩衆。以從超過三界法所生。離諸煩惱行所生。周徧無礙心所生。甚深方便法所生。無量廣大智所生。堅固清淨信所增長。不思議善根所生起。阿僧祇善

撰述  
華嚴文苑卷六  
巧變化所成就。供養佛心之所現。無作法門之所  
印釋。曰。此上併出因也。下云。出過諸天諸供養具  
供養於佛者。卽說多果也。次八句。一因成一果。經  
云。以從波羅蜜所生一切寶蓋。於一切佛境界清  
淨解所生一切花帳。無生法忍所生一切衣。乃至  
解諸法如夢歡喜心所生佛所住一切寶宮殿。既  
以無生忍唯生於衣等。故云。一因一果。後有九句。  
一因成多果。謂但舉無生爲因。總生諸果。故經云。  
無著善根。無生善根。所生一切寶蓮花雲。一切堅  
固香雲。一切無邊色花雲等。九雲故。應有多因。成

一果攝在初段。謂以多因。一不成。故謂共成一蓋  
共成一衣等。今約多因成一果時。則隨一衣。則是  
蓋等。以其多因。別別所成。並在一衣上。故。隨一  
事。卽是無盡。況此一事。皆是稱性。故。皆卽是無盡  
法界。但隨一義。以名目之。如顯可重圓明。卽名爲  
寶。若云自在。卽稱爲王。若爲潤益。卽名雲等。故金  
色世界。卽是本性。彌勒樓閣。卽是法門。勝熱婆羅  
門火聚刀山。卽是般若無分別智等。皆其事也。故  
一一事。卽具無盡之法。故。故立具足無盡之德。不  
出於此。

撰述  
聖嚴玄說卷六  
五十一  
九卽此一花。旣具徧一切處。亦復該一切時。謂三世各三。攝爲一念。故爲十世。以時無別體。依花以立。花旣無礙。時亦如之。故晉經云。過去無量劫。安置未來。未來無量劫。廻置過去。世等。普賢行云。過去中未來。未來中現在等。又云。無量劫卽一念。一念卽無量劫等。時無別體。故不別立以爲所依。

九十世隔法異成門疏中三。初正釋。三世區分。名爲隔法。而互相在。卽是異成。而疏文中。但作十世。言三世各三等者。取意以立。卽離世間品文云。菩薩有十種說三世。何等爲十。所謂過去說過去。

過去說現在。過去說未來。現在說過去。現在說平等。現在說未來。未來說過去。未來說現在。未來說無盡。又三世說一念。上言無盡。卽未來未來。欲彰無窮。故云無盡。現在平等。卽是現在現在。以可目覩。例同過去。故云平等。不言一念。亦名九世。攝歸一念。故云十世。然依舊解。如以五日而爲九世。初一二三爲過去三世。中二三四爲現在三世。後三四五爲未來三世。義當正在第三日。前望取二。後望取二。故有五日。成三三世。義似進無九世之體。退過三世之數。今但用三世互爲緣起。便成九世。

撰述  
華嚴玄談卷六  
不離一念。故爲十世。謂如因過未而有現在。則現在中已有過未。法從因出。不異因故。餘二因例。此可知。卽中論時品。破於執時。立無窮過。今無所執。故以其過。成稱性緣起。廣如離世間品疏文釋之。以時無別體下。出十世融通所以。如見花開。知是芳春。茂盛結果。知是朱夏。凋落爲秋。收藏爲冬。皆因於物。知四時也。○故晉經二云。二引證。引晉經者。以文顯故。等者。等取次半云。非長亦非短。解脫人所行。卽當今經普賢行品。次下當引普賢等者。等取下半云。三世互相見。一一皆明了。此偈前文

復有偈云。無量無數劫。解之卽一念。知念亦無念。如是見世間。又云無量等者。卽晉經初發心功德品。今經二云。不可說劫與一念平等。一念與不可說劫平等。而言等者。等取餘經。若此之類。皆可引證。如十地品云。菩薩知種種入劫智。所謂一劫入多劫。多劫入一劫。乃至云長劫入短劫。短劫入長劫等。○時無別體等者。三棟濫也。以刑定記。不取十世以爲玄門。意云以時是所依體事十中之一。若長劫入短劫等。卽相入門。若云長劫卽短劫。卽相卽門。故知十世。非別玄門。斯亦有理。古意以餘十



對有體可得得爲所依。時依法有無別自體。何能與他爲所依耶。又緣外道計時爲常。故不存之。以爲體事。是故依古別立玄門。

十此圓教法。理無孤起。必攝眷屬隨生。下云此華卽有十世界微塵數華。以爲眷屬。又如一方爲主。十方爲伴。餘方亦爾。是故主伴伴。各不相見。主伴伴主。圓明具德。

十主伴圓明具德門。疏文分三。初正明理無孤起者。卽辨主伴所由。下云此華下。二引證卽十地受位處文。文云其最後二昧。各受一切智勝職位。

此三昧現在前時。有大寶蓮華。忽然出現。其華廣大。量等百萬三千大千世界。下廣歎德竟。云有十三千大千世界微塵數蓮華。以爲眷屬。又現相品中。佛眉間出勝音菩薩。與無量諸眷屬俱出。卽入眷屬。佛放眉間光明。無量百千億光明。以爲眷屬。卽光明眷屬。又法界修多羅。以佛刹微塵數修多羅。而爲眷屬。卽法眷屬。故隨一一。皆有眷屬。若以餘經望此。但爲眷屬。不爲主伴。今言眷屬者。約當經中事。以爲眷屬。眷屬卽伴。故證主伴。又如一方下。亦是義引經文。約方明主伴。謂如此方法。慧說

撰述  
聖嚴玄談卷六  
十住時。餘方菩薩皆悉來證言我等佛所亦說此  
法。文句義理。與此無別。卽主伴義。是故主下。三  
重以例釋。謂此方法慧爲主時。不得爲伴。十方法  
慧爲伴時。不得爲主。此爲主時。不得與彼爲主相  
見。彼爲主時。此須爲伴。故亦不得見此爲主。故云  
主主伴伴。各不相見。言主伴伴主。則得相見者。此  
方爲主。與彼方爲伴相見。此方爲伴。卽與彼方爲  
主相見。若主伴義成。則圓明具德。餘如教迹鈔說  
舉花旣爾。一塵等事亦然。如此事花。旣帶同時等十  
義具。此十門。而此事等具餘教等十門。則爲百門。事

法旣爾。餘教義等具百亦然。則爲千門。如教義等有  
此千門。彼同時門中。亦具百門。餘廣隱等例爾。亦有  
千門。若重重取之。亦至無盡。

舉華旣爾下。第三結例成益。先正以華事例於餘  
事。故云舉華旣爾。一塵等事亦然。如此事花下。  
類結成門。謂上廣說十門。唯約事說。謂花事上。一  
切事同時具足。事廣隱無礙。事一多。事相卽。乃至  
事主伴。故云如此事花。旣帶同時等十義。而此事  
等者。謂事上有教義同時具足。教義廣隱。教義一  
多。教義相卽。乃至教義主伴爲二十。二境智同時

具足廣陬相容。乃至主伴爲三十。三行位同時具足廣陬。乃至主伴爲四十。四因果同時具足等爲五十。五依正六體用。七人法。八逆順。九感應。各有同時等。添爲百門。故云而此事等。其餘教等十門。則爲百門。○事法旣爾下。第二以事所依。例餘所依。謂事法旣有百門。二教義爲百門。三境智爲百門。乃至感應。皆具百門。故有千門。○如教義等下。第三以所依法。例能依門。亦成千門。謂前以所依體事爲首。今以能依玄門爲首。謂同時中。具教義同時。事理同時。境智同時。乃至感應同時。故有十

門。同時門中。具廣陬等。其廣陬等。有教義等。故成百門。二廣陬具百。例同時門。三相入門具百。四相卽門具百。乃至第十主伴門具百。故成千門。然其後千。不異前千。但互舉爲首而成異耳。又前分總別。則同時門中。具下九門。下之九門。不具同時。今約不相離。故得九門。例於同時亦具九門。○若重重取之者。四結成無盡。言重重取者。謂如初一門中具十。十中取一。此一亦須具十。具百具千。以不相離故。如一旣爾。千門各十亦然。則具十千。十千之中。隨取其一。亦具十千。如一千錢。共爲緣起。一

撰述  
華嚴玄談卷六  
五十一  
錢爲首則具一千餘亦如是則有千千。千千之中。隨取其一。亦具千千。故至無盡。又重重者。一事之中。有多事故。一境之中。亦有多境。一智之中。復有多智等。更相涉入。亦無盡也。

於此十門。圓明顯了。則常入法界。重重之境。

於此十門下。第二結勸修益。以是德相無盡法門。唯普眼境界上。智能入。故當勤修。必成大益。


第六紙第十七行。色不盡而空現。法界觀中。無不字圭峯註云。有本色不盡而空現。亦通今依藏信七。戴世禎捨資七兩四錢五分七釐刻此。

華嚴玄談第六卷上伏願

皈正法幢。斷疑見網。讀誦法華之種。習知攝末。以歸本樂。助華嚴之勝因。獲達本以逢源。法界有情。同入性海。親冤平等。均沾利樂。

大方廣佛華嚴經疏演義鈔卷第六

上終



大方廣佛華嚴經疏演義鈔卷第六下

清涼山大華嚴寺沙門澄觀撰述

第二明德用所因問。有何因緣。今此諸法。得有如是  
混融無礙。荅因廣難陳。畧提十類。一。唯心所現故。二。  
法無定性故。三。緣起相由故。四。法性融通故。五。如幻  
夢故。六。如影像故。七。因無限故。八。佛證窮故。九。深定  
用故。十。神通解脫故。十中隨一。卽能令彼諸法混融  
無礙。十中前六通約法性爲德相因。法爾如是。後二  
皆是業用。義通因果。七約起修。義通德相業用。八約  
果德。唯是德相故。

二德用所因中前六下料揀差別謂前十玄門則通德相業用今出所以則有通有局耳。

前之十門通德相業用約佛則用亦德相德上用故約機則相亦稱用令知相故卽用之相染淨雙融卽相之用能染能淨故相及用不分兩別。

前之十門下三會通德用遮其異釋謂刊定記別立德相業用二種十玄故今通之明但一重自合德用不須分二約佛下釋謂佛體上之用卽德相故如有音聲詞辨之用卽德者相故若令衆生見於卽入無有障礙故相各用○卽用之相下第二

會通染淨辨二雙融亦由刊定記立二別云德相純淨業用通染卽令衆生作佛身等故通染也今明在佛德相染淨相盡而現染用舉用同體故師子座中頓現衆生居處屋宅德相豈不能現染衆生耶相若不現何有微細門耶微細頓現一切染淨但現而常虛如鏡中像故雙融耳又相作相入彼德相所無今明法爾常入常能作故如十定品山間山上日影喻中雖能互照或說日影出七山間或說日影入七山間如此出入則湛然不動常入出矣豈要對機方有入耶相作卽是相卽之義

撰述  
義如前會。○故相及用下。結成非是德用二義不  
分。但不別立二種十玄。唯一十玄。通德用耳。

初唯心現者。一切諸法。真心所現。如大海水。舉體成  
波。以一切法。無非一心。故大小等。相隨心迴轉。卽入  
無礙。

如大海水舉體成波者。心能變境界。境須似心。心既  
無礙。境亦無礙。况真心所現。揀異妄心。眞法具德。  
故能卽入。重重無礙。言舉體者。全眞成妄也。

二法無定性者。既唯心現。從緣而生。無有定性。性相  
俱離。小非定小。故能容太虛而有餘。以同大之無外

故。大非定大。故能入小塵而無間。以同小之無內。故  
是則等太虛之微塵。舍如塵之廣利。有何難哉。舊經  
十住品云。金剛圍山數無量。悉能安置一毛端。欲知  
至大有小。相菩薩以是初發心。一非定一。故能是一  
切。多非定多。故能是一邊。非定邊。故能卽中。中非定  
中。故能卽邊。延促靜亂等。一一皆然。

有何難哉者。以小塵有大。却如太虛。廣利有小。却  
如小塵。乃成大塵。舍於小利。故無難也。○舊經十  
住品者。二引證。所以引舊經者。以文顯故。今經云  
無量無數輪圍山。欲悉令入毛孔中。如其大小皆

得知菩薩以此初發心。則無定性理。義非顯著。豈如至大有小相耶。○一非定一下。三例釋餘法。言中邊者。乃有二義。一。邊方中土。此則事事無礙。如名號品極輪圍邊有四天下。亦有十方。則知邊非邊矣。邇相圍遶。故中亦是邊。明是事事無礙也。若云中道者。二行不同。中邊相卽亦是事事無礙。亦通事理無礙耳。延促者。一念爲促。長劫爲延。卽念劫融也。靜亂者。入定出定。二行別故。由無定相。亦得相卽。亦如東方入正定。西方從定起等。尤是事  
事無礙也。

三緣起相由者。謂大法界中。緣起法海。義門無量。約就圓宗。畧舉十門。以釋前義。謂緣起法要。具此十義。緣方起。故闕則不成。

謂大法界中緣起者。揀於內外染淨一事緣起也。如外水土人功時節爲緣。則有芽起。內無明行等爲緣。有識等起。今則不然。總收法界爲一緣起。故云大也。又卽一緣起。具多義門。全同法界。卽大緣起。不同三乘。但明因緣生法。無性而已。

一。諸緣各異義。謂大緣起中。諸緣相望。要須體用各別。不相雜亂。方成緣起。若雜亂者。失本緣法。緣起不



撰述  
華嚴玄旨卷六  
成。此則諸緣各各守自一位。文云。多中無一性。一亦無有多。

一諸緣下。第二別釋十門。初三是本。後七從生。謂四五六從初門生。七八及九從第二生。其第十門從第三生。第三但合前二門。故唯生一門。就初三門。初一異體門。二卽同體門。三同異合明。所以有同異體者。以諸緣起門內。有二義故。一不相由義。謂自具德故。如因中不待緣。二相由義。如待緣等。初卽同體門。後卽異體門。若爾。何以初異體門中。云諸緣各別。不相雜亂。第二同體門中。云互相徧

應。方成緣起。釋曰。謂要由各異。方得待緣。要由徧應。方自具德耳。所以前之二門各生三者。一互相依持。有力無力故。二互相形奪。有體無體故。三體用雙融。無前後故。已知大意。次正釋文。

第一門卽異體門。文云下。四引證。卽光明覺品。下半云。如是二俱捨。普入佛功德。上半卽相成並立義。下半形奪兩亡義。今非下半之義。故不引之。然由相成。方各有體。

二互徧相資義。謂此諸緣。要互相徧應。方成緣起。如一緣徧應。多緣各與彼多。全爲一故。此一卽具多箇

撰述  
垂屬文論卷六  
一也。若此一緣不具多一。卽資應不徧。不成緣起。此則一一各具一切。下文云。知以一故衆。知以衆故一。二互徧相資義。卽同體門文中亦四。初正釋。言則具多箇一者。如十錢爲緣。一錢當體。自是本一。應二之時。乃名初一。以爲二。應三爲三。乃至應十爲十。故有多一。○若此一緣下。第二反成。也。若無十一。本一不能應餘九故。○此則一一下。第三例餘。一既有十。二三四等。亦各有十。故云一。一各具。如十錢爲喻。其法界差別無盡法中。各各徧應。故隨一一各具法界差別法也。○下文云下。

第四引證。卽切利天宮偈讚品。真實慧菩薩偈文。下半云。諸法無所依。但從和合起。此證第三門義。故今但引上半。

三俱存無礙義。謂凡是一緣要具前二。方成緣起。以要任自一。方能徧應。徧應多緣。方是一故。是故唯一多一。自在無礙。鎔融有其六句。一。或舉體全住。是唯一也。或舉體徧應。是多一也。或俱存。或雙泯。或總合。或全離。皆思之可見。文云。諸法無所依。但從和合起。三俱存無礙義等。雙融同異也。是故下。句數料揀有二。先總明。欲多常多欲一常一。故云自在。○

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

撰述

垂扁文言卷六

三

一或下別釋。初二句可知。三或俱存者。俱存任自及徧應也。亦俱存唯一及多一也。四或雙泯者。卽第四句。由俱存則相卽奪故。任一卽徧應。非任一也。徧應卽任一。非徧應也。五或總合者。合前四句爲解境故。六或全離者。全離前五。成行境故。○三文云下。引證如前已引。意取和合起義。

此上三門。總明緣起本法竟。

此上下。總結三門大旨。

四異體相入義。謂諸門力用。遞相依持。互形奪故。各有全有力。全無力義。緣起方成。

四異體相入義有五。

一總釋遞相依持者。以是緣起一多等。非定性一多等故。

如論云。因不生緣生故。緣不生。自因生故。

如論云者。二引證。然論有二意。一顯無生之義。則上句以緣破自。中論云。如諸法自性。不在於緣中。以若有自性。不合假衆緣。既假衆緣。則自性應在緣中。緣中求自性不可得。故無自性生。下句以自破緣。故云緣不生。自因生故。謂若他生。則但有緣。卽應能生。不合假於自因。今假於因。明非他生也。

支那

五藏文卷六

三

撰述 華嚴玄旨卷六  
二顯緣起義。因不生者。因全無力。緣生故者。緣全有力。下句例知。今正用此意。證成上義。

若各唯有力。無無力。則有多果過。一一各生故。若各唯無力。無有力。則有無果過。以同非緣。俱不生故。

若各唯下。三反成上義。亦是解妨。謂有問言。因緣各自不生。和合共力有生。復有何過。斯卽立共生義。故先通云。若爾。則有多果過。釋云。一一各生故。如穀子爲因。水土人功時節爲緣。應生五果。謂穀芽水芽土芽等。故云多果。次有問言。若爾。總皆無力。合而能生。復有何過。此亦立共生義。故復通云。

有無果過。謂金石火等。於芽無力。不能生芽。水土穀等。於芽無力。安能生芽。故同火等。非緣不能生果。云無果過也。

是故緣起。要互相依。具力無力。如闕一緣。一切不成。餘亦如是。

是故緣起下。四結成正義。謂既全有力。全無力。緣起不成。要一有力。一無力。緣起方成。如闕一緣下。指事明也。如無一。卽無二三等。亦如無柱。卽無梁等。以闕一事。餘皆不成。舍等緣。故言餘亦如是者。若無二。亦無一無三等。若無三。亦無一二等。乃至

若無十。亦無一二等。若無梁。亦無柱等。隨舉一法。闕緣不成。今法界中。隨闕一事。一切法界不成。緣起也。

是故一能持多。一是有力。能持於多。多依於一。多是無力。潛入一內。由一有力。必不與多有俱。是故無有一而不攝多也。由多無力。必不與一無俱。是故無有多而不入一也。如一持多。依既爾。多持一。依亦然。反上思之。

由一有力下釋。成亦通妨難。恐有難云。一之與多。俱有有力無力二義。云何一能攝多。故此通云。由二有力。與二無力。必不俱。故以能爲緣邊。卽此有力。要對所起。是無力。故思之。○如一持多。依下。二例多持一。依。多是能起。能爲緣故。一。是所起。多是所成。故。

如一望多。有依有持。全力無力。常含多在已中。潛入已在多中。同時無礙。多望於一。當知亦爾。

如一望多有依有持下。第二例多望一。先結前。卽是舉於能例。問前門中。先明一持多。依。後例多持一。依。義已圓足。何更有此多望一耶。答。此有深旨。謂前一望多中。一爲持邊。一能攝多。一爲依邊。一

撰述  
華嚴玄旨卷六  
本  
能入多。雖復多上有持。但取一爲能入。故並屬一。望於多。所以疏文欲釋多望於一。先結前段云。如一望多。有依有持等。有依者。卽前多持故。一成依也。有持者。卽前一有力。爲多依故。言全力者。成上一持。言無力者。成上一依。言常含多在已中者。一有力爲持。能攝多故。言潛入已在多中者。一無力爲依。便入多故。故此二句。皆屬一望多也。○多望於一下。二生後正釋也。若總釋者。但改前一字爲多字。多字爲一字。則義自現。如恐不曉。更爲具作。應云多能持一。多是有力。能持於一。一依於多。一

是無力。潛入多內。由多有有力。必不與一有力俱。是故無有多而不攝一也。由一無力。必不與多無力俱。是故無有一而不入多也。如多持一。依既爾。一持多。依亦然。反上思之。是則能攝亦是多。能入亦是多。雖多攝一。卽是一入多。然名多攝耳。雖多入一。卽是一攝多。而名多入耳。則前之二門攝入皆屬一。後之二門攝入皆屬多。則二義天隔。非繁重也。

俱存雙泯。二句無礙。思之。

俱存雙泯下。三結成句數。謂上一攝多。是第一句。

多攝一是第二句俱存卽第三句謂一攝一入時卽多攝多入故雙泯者卽第四句謂一攝一入卽多攝多入故便一攝一入泯多攝多入卽一攝一入故則多攝多入泯故云雙泯對前別明二句則有四句亦可成六五俱照前四成解境故六頓絕前五成行境故。

五異體相卽義謂諸緣相望全體形奪有有體無體義緣起方成。

五異體相卽義此中但卽與前入異文勢大同五段之文唯闕引證於中有四。

一立理畧明爲能起邊卽有體爲所起邊卽無體如云從緣生法是法卽空意取所生空也空卽無體義言形奪者以能起之緣形對所起奪彼所起令無體也。

若闕一緣餘不成起故緣義則壞

若闕一緣下反顯前理成有體義也如無一緣一三四等皆不成故則知一有體也。

得此一緣令一切成起所成故緣義方立。

得此一緣下三結成正義旣一切由一故一有體也。

撰述  
是故一緣是能起能成。故有體。多緣是所起所成。故無體。由一有體。不得與多有體俱。多無體。必不得與一無體俱。是故無有不多之一。無有不一之多。一多既爾。多一亦然。反上思之。

後由一有體下。釋成。亦是解妨。謂有難言。一之與多。俱有有體無體二義。云何獨言一有體耶。故今通云。由有無義。不得並故。今一爲能起邊。多爲所起故。若不爾者。能所不成。緣起亦壞。言無有不多之一者。此一卽是多故。無有不一之多者。此多卽是一故。問。一不卽多。有何過耶。答。有二過故。一不

成多過。謂一既不成立。多餘亦不成。多故如一不成。十。二三四等亦不成。十。故無十過。二多不成。一過。謂若一不成。十。此十卽不成。由十不成故。一義亦不成。以無於十。是誰一故。一不卽多。成過既爾。多不卽一。成過亦然。又若不相卽。緣起門中空有二義。卽不成立。便有自性斷滅等過故。○一多既爾等者。反上一有體。却爲一無體。多無體。却爲多有體。更無別義。

如一望多有有體無體。故能攝他同已。廢已同他。同時無礙。多望於一。當知亦爾。准前思之。



撰述 對巖文前卷六  
如一望多下。第二例多望一亦一。先結前卽是舉於能例。大意全同前相入門也。但卽入別耳。言有體無體者。有體卽前一是能起。故有體也。無體者。卽前舉例中。多一亦然。明一無體也。故能攝他同於已者。成上一有體。攝他多也。卽前無有不多之一耳。廢已同他者。成前一無體也。故廢已一同他多也。雖有有體無體二義皆屬一望於多。故云攝多同多。○多望於一下。二生後正例全同前門。但改一爲多。改多爲一耳。若結應云攝他一。同多已。廢多已同一他耳。前一望於多。攝廢皆是一。此

中多望於一。攝廢皆是多。則義懸隔矣。餘如相入門思之。

俱存雙泯。二句無礙。亦思之可見。

俱存雙泯者。第三結成句數。俱存謂正一攝他同已。廢已同他時。卽是多攝一同已。廢已同一也。雙泯者。以一望於多。二義卽是多望於一二義。故則一望於多。二義泯矣。多望於一二義。卽是一望於多。二義故則多望於一二義。泯也。旨不異前。故令思之。

六體用雙融義。謂諸緣法。要力用交涉。全體融合。方

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

撰述

垂巖玄言卷六

六

成緣起是故圓通亦有六句。一以體無不用故舉體全用則唯有相入無相即義。二以用無不體故舉用全體則唯有相即無相入也。三歸體之用不礙用全用之體不失體是則無礙雙存亦入亦即自在俱現。四全用之體體泯全體之用用亡非即非入圓融一味。五合前四句同一緣起無礙俱存。六泯前五句絕待離言冥同性海。

是故圓通下開章別釋成六句故初以體就用二以用就體三體用雙存四體用雙泯以體用交徹形奪兩亡即入同源圓融一味五成解境六成行

境。

此上三門於初異體門顯義理竟。

七同體相入義謂前一緣所有多一與彼一緣體無別故名爲同體。

七同體相入義等者釋中有二。

初別釋同義言謂前一緣者即指前第二門以第二是本同體門故如一本自是一則爲本一應二爲二一應三爲三一等只是一箇一對他成多亦如一人望父名子望子名父望兄爲弟望弟爲兄等同一人體而有多名今本一如一人多一如諸

支那

垂巖玄言卷六

六

名也。

又由此一緣應多緣故。有此多一。所應多緣。既相卽入。令此多一。亦有卽入也。

又由此一緣下。二例釋卽入二義。所以謂同體卽入。由異體成異體相入故。令同體相入。異體相卽入。故令同體相卽。此有二義。一若直說者。如異體二卽是本一。其同體二。豈非卽本一耶。異體三卽本一。則同體上三。亦本一矣。正是今意。二者本一自與多一。互爲緣起。例同異體相由故耳。次疏具之。先明相入。謂一緣有力。能持多一。多一無力。依彼一

緣。是故一能攝多。多便入一。一入多攝。反上應知。

先明相入者。三正釋此門有二。

本初明一望於多亦二。先明一有力。多無力。言一能攝多。多便入一者。多卽餘九。一卽本一也。○一入多攝下。二例多一有力。本一無力。以由我多一。方名本一爲本一故。故多一有力。便攝本一。本一入多一也。

餘義餘句。准前思之。

餘義餘句下。二例多望一。亦全同前異體相入。言餘義者。謂上明本一望多一。有持有依。全力無力。

撰述  
聖賢言行錄卷六  
故能常含多一在已一中。潛入本一在多一中。無有障礙。今明多一望於本一。亦有全力無力。故能常含本一在多一中。潛入多一在本一內亦無障礙。故云餘義也。言餘句者。卽俱存雙泯。四句六句。例前異體。故不繁說。

八同體相卽義。謂前一緣所具多一。亦有有體無體之義。故亦相卽。以多一無體。由本一成。多卽一也。由本一有體。能作多一。令一攝多。如有一有多。空既爾。多有一空亦然。八同體相卽亦有有體無體之義者。總出所以。亦

同異體門能成有體。所成無體也。○以多一無體。下正釋本一有體。○如有一有多。下二例多一有體。由有多一。方名本一爲本一。故多一有體。本一無體也。多一有體。故能攝本一。本一無體。潛入多一也。

餘義餘句。準前思之。

餘義下。第二例多一望本一。謂上本一有有體無體。故能攝多一同已。廢本一同他。同時無礙。今多一望本一。亦有有體無體。能攝本一同已。廢多一同他。同時無礙。全例前來異體中。故云餘義也。餘

句者亦卽俱存雙泯四句六句。

九俱融無礙義謂亦同前體用雙融卽入自在亦有六句準前應知。

九俱融無礙等者疏文亦二。先正釋本門言亦同前者同前第六異體門也。尋前第六於義分明。但有同體與前別耳。恐不曉者。今當具說謂同體緣起法中。力用交涉。全體融合。方成緣起。是故圓融亦有六句。一以體無不用故舉體全用。則唯有同體相入無相卽義。二以用無不體故舉用全體。則唯有同體相卽無相入義。三歸體之用不礙用。全

用之體不失體。則無礙雙存。亦入亦卽。自在俱現。

四。全用之體體泯全體之用用亡。非卽非入。圓融一味。五。合前四句同一同體緣起。無礙俱存。六。泯

前五句。絕待離言。冥同性海。故云準前應知。

此上三門於前第二同體門中辨義理竟。

十。同異圓滿義。

十同異圓滿等者。疏文有二。上句標名。謂前來

異體四門。同體四門。及第三同異俱存。並不出同

異合居一處。不偏一門。故云圓滿。

謂以前九門總合爲一大緣起。令多種義門同時具

足也。由任一徧應。故有廣狹自在門。由就體就用。故有相卽相入門。由異體相容。具微細門。異體相卽。具隱顯門。又就用相入爲顯。令就體相卽爲隱。卽顯入隱亦然。又由異門卽入爲顯。令同體卽入爲隱。同顯異隱亦然。又由異體相入帶同體相入。具帝網門。由此大緣起卽無礙法界。故有託事顯法門。顯於時中。故有十世門。相關互攝。故有王伴門。

二別釋具足十玄。今初從以前九至具足卽同時。具足相應門。言多種義門者。有本有末。有同有異。有入有卽。四句六句等。合前九門爲同時門也。以

是總故。隨闕一義。緣起不成。下之九門。各先釋義。後結屬。○言由任一徧應者。卽前本門第二門也。任一故狹徧應故廣。○就體下。就體故相卽。就用故相入。並通同體異體。○由異體相容者。卽別取前第四異體相入門中一半之義。然入通能入所入多。就能說容亦有能容所容。亦就能說。然所入卽是能容。所容卽是能入。今微細門。但取容義。不取入義。故云一半。○異體相卽者。釋此隱顯。疏有三重。此卽初也。若爾。相卽應同隱顯耶。答。上來九門。但有卽入同異四義。用斯四義以成十玄。故一

撰述  
玉巖文言卷六  
義中容有多義此中由此卽彼故此隱彼顯由彼卽此故彼隱此顯由相卽故成隱顯義成門已竟義則不同謂相卽要此彼合一隱顯則彼此皆存如東方入定定身在東西方定起起身在西故二不泯況具下二義尤異相卽也○又就用下第二番釋隱顯也謂正論入門卽義如虛空故謂若更存卽則入義不成謂卽則泯一入則二義不壞故正卽無入例上可知○又由異門下第三番釋隱顯義由同異二體義乖故二門不得並立事須隱顯○又由異體相入下同體相入一中已含於多

更入異體故有重重之義同體相入如一鏡已含多影更入異體如含影之鏡更入餘鏡故有重重無盡義也餘門可知。

此第十圓滿一門就前第二門中以辨義理。

此第十下三結屬引證。

先結屬由第三本門之中融同異故今則近融前六門則異體中三門與同體三門相成無異體同體不成無同體異體不成故六門相成後之七門從前三生前三融故後七必融故十門一揆也例前第三融通亦有六句一或舉體全異具入卽俱

二或舉體全同亦具入卽俱。三或具同異雙現無二體故。四或雙非同異以相奪俱盡故。謂同卽異。故非同異卽同。故非異。五或具四爲解境故。六或絕前五成行境故。故約智顯理諸門不同。廢智忘筌。一切叵說。說與不說無礙難思。沒同果海。唯亡言遣照。庶幾玄趣耳。

故下文云。菩薩善觀緣起法。於一法中解衆多。衆多法中解了一。又云。一中解無量。無量中解一。了彼互生起。當成無所畏等。皆其義也。

故下文云。下引證畧引二文。一卽十忍品。二又云。

下。光明覺品。然所引文。乃是總意。由第十門。意是總故。緣起相由門竟。

第四法性融通門者。謂若唯約事。則互相礙。不相卽入。若唯約理。則唯一味。無可卽入。

第四法性融通門者。謂真如旣具過恒沙德。如所起事。亦具德無盡。以真法性融通諸事。故無礙也。一揀非。謂理事抗行。不得事事無礙故。是知有言須彌本不有。芥子舊來空。將空納不有。何物不相容者。斯言未當。

今則理事融通。具斯無礙。謂不異理之一事。具攝理。



撰述  
性時。今彼不異理之多事。隨所依理。皆於一中現。若一中攝理不盡。則真理有分限失。若一中攝理盡。多事不隨理現。則事在理外失。今既一事之中。全攝理盡。多事豈不一中現。華嚴品云。華嚴世界所有塵。一塵中見法界。法界卽事法界矣。

謂不異理之一事下。一。順明。以一切諸法。皆依於理。無離理者。今一事全攝於理。故帶一切事入一事中。○二。若一中下。二。反立。謂若攝理不盡。則真理可分。有一理二理。乃至多理之失。今真理湛然。故不可分。一味平等。故無二理。若遮此過。云攝理

盡而其多事不入一事者。則不入之事在於理外。便令理離於事。而自入一事之中。事離於理。不來一事之內。然離理有事。事成定性。離事有理。理同斷滅。過尤深矣。○今既一下。三。結成正義。既離可分之過。全攝理盡。又無事理相離之過。故事隨理而頓現一事之中。

斯卽總意別亦具十玄門。

一。既真理與一切法而共相應。攝理無遺。卽是諸門諸法同時具足。

一。既真理下。正顯別相十門之義。皆依真如別德。

撰述  
而立第八迴向明真如具百門之德今畧舉十四種德成十玄門。

一譬如真如與一切法而共相應不相捨離德成第一同時具足相應門

二事既如理能包亦如理廣徧而不壞陜相故有廣陜純雜無礙門又性常平等故純普攝諸法故雜

二譬如真如性常平等及譬如真如普攝諸法二德成廣陜門

三理既徧在一切多事故令一事隨理徧一切中徧理全在一事則一切隨理在一事中故有一多相容

門

三無所不在德成相入門

四真理既不離諸法則一事卽是真理真理卽是一切事故是故此一卽彼一切事一切卽一反上可知故有相卽自在門

四不離諸法及與一切法同其體性二德成相卽門

五由真理在事各全非分故正在此時彼說爲隱正在彼時此卽爲隱故有隱顯門

五無有分限及恒守本性二德成隱顯門

撰述  
六真理既普攝諸法帶彼能依之事。頓在一中。故有微細門。

六普攝諸法德成微細門。

七此全攝理故能現一切。彼全攝理同此頓現。此現彼時。彼能現所現俱現。此中彼現此時。此能現所現亦現彼中。如是重重無盡。故有帝網門。以真如畢竟無盡故。

七畢竟無盡德成帝網門。

八卽事同理故隨舉一事。卽真法門。故有託事門。

八與一切法同其體性德成託事門。

九以真如徧在晝夜。日月年劫皆全在故。在日之時。不異在劫。故有十世異成門。況時因法有法融時不融耶。

九徧在晝夜及徧在年劫二德成十世門。

十此事卽理時不礙與餘一切恒相應故。有主伴門。十性常隨順與一切法恒共相應。成主伴門。疏中密用經意。以經文對疏。一無差別。設有不具經文意。亦有之。

故一理融通。十門具矣。

五如幻夢者。猶如幻師。能幻一物以爲種種。幻種種。

撰述  
聖嚴玄旨卷六  
二四  
物以爲一物等。經云。或現須臾作百年等。一切諸法。業幻所作。故一異無礙。

經云下。引證。此晉經賢首品。等取下句云。幻力自在。悅世間。若唐經云。譬如幻師。知幻法。能現種種無量事。須臾示作日月歲城邑豐饒大安樂等。普賢行品云。譬如工幻師。示現種種事。其來無所從。去亦無所至。幻性非有量。亦復非無量於彼大眾中。示現量無量等。四十二經云。佛子。譬如幻師。持咒得成。能現種種差別形相。咒與幻別。而能作幻。咒唯是聲。而能幻作眼識所知種種諸色等。十忍

品云。譬如幻。非象非馬。非車非步。非男非女。非童男非童女。乃至云。非一非異。非廣非狹。非多非少。非量非無量。非麤非細。非是一切種種衆物。種種非幻。幻非種種。然由幻故。示現種種差別之事。如是等文。其處非一。○一切諸法下。二合也。華藏品云。如幻師咒術。能現種種事。衆生業力故。國土不思議。明知業卽幻師。又如中論偈云。譬如幻化人。復作幻化人。如初幻化人。是則名爲業。幻化人所作。是名爲業果等。又十忍品云。佛子。此菩薩摩訶薩。知一切法皆悉如幻。從因緣起。於一法中解多

法於多法中解一法等。偈中云。眾生及國土。種種業所造。入於如幻際。於彼無依著。又偈云。諸業從心生。故說心如幻。若離此分別。普滅諸有趣。斯則顯業自如幻矣。又云。度脫諸眾生。令知法如幻。眾生不異幻。了幻無眾生等。其文非一。

言如夢者。如夢中所見廣大。未移枕上。歷時久遠。未經斯須。故論云。處夢謂經年。覺乃須臾頃。故時雖無量。攝在一刹那。

言如夢等者。疏文分二。先喻言所見廣大。未離枕上者。第六十經夢遊天宮喻云。譬如有人於大

會中。昏睡安寢。忽然夢見須彌山頂。帝釋所住。善見大城。乃至云。其人自見著天衣服。普於其處。停止周旋。其大會中一切諸人。雖同一處。不知不見。何以故。夢中所見。非彼大眾所能見。故釋曰。天宮廣大。豈離枕上。餘類此知。昔人云。枕上片時春夢中。行盡江南數千里等。亦時非離須臾也。昔賢行品云。了達諸世間。假名無有實。眾生及世間。如夢如光影。於諸世間法。不生分別見。若離分別者。亦不見分別。無量無數劫。解之卽一念。知念亦無念。如是見世間。無量諸國土。一念悉超越。經於無量

撰述  
劫不動於本處等。如是自在。皆由如夢。故十忍品云。譬如夢中見種種諸異相。世間亦如是。與夢無差別。又云。譬如夢中見長短等諸色。以如夢長短。卽無長短。故不礙長短也。○故論云等者。二引證。便當合文。卽無性攝論第六所引。但言如有頌云。斯卽引經耳。按西域傳云。昔有隱士。結廬屏跡。博習技術。究極神理。能使瓦礫爲寶。人畜易形。但未能馭風雲。陪仙駕。閱圖考古。更求仙術。其方曰。夫神仙者。長生之術也。將欲求學。先定其志。築建壇場。命一烈士。執長刃。立壇隅。屏息絕言。自昏達曙。

求仙者中壇而坐。手按長劍。口誦神咒。收視反聽。達明登仙。是人旣得仙方。而訪烈士。營求曠歲。未諧心願。後得烈士。先與人傭力。艱辛五年。一日遂被笞辱。又無所得。悲號巡路。隱士旣見。命以同遊。來至茅廬。以術力故。化具餽饌。已而令入池浴。服以新衣。又以五百金錢遺之。曰。盡當來求。幸勿外也。自時厥後。數加重賂。潛行陰德。感激其心。烈士囑求効命。以報知己。隱士曰。我求烈士。彌歷歲時。幸而會遇。竒貌應圖。非有他故。願一夕不聲耳。烈士曰。死尚不辭。豈徒屏息。於是設壇場。受仙法。方

行其事。坐待日昏。昏暮之後。各司其務。隱士誦神咒。烈士按劍。刃殆將曉矣。忽發聲大叫。是時空中火下。煙焰雲蒸。隱士疾行。引此人入池避難。已而問曰。誠子無聲。何以驚叫。烈士曰。受命後。至夜分。惛然若夢。變事更起。見昔事主人躬來慰謝。感荷厚恩。恐不報語。彼人震怒。遂見煞害。更受中陰身。自顧歎惜。猶願歷世不言。以報厚德。遂見託生南印土大婆羅門家。乃至受胎出胎。備經苦厄。荷恩荷德。忍而不言。暨乎受業。冠婚喪親。生子。每念前恩。恐而不語。宗親戚屬。咸見怪異。年過六十而有

一子。妻謂曰。汝可言矣。若不語者。當煞汝子。我時惟念。已隔生世。自顧衰老。唯此稚子。因止其妻。令無煞害。遂發叫耳。隱士曰。我之過也。此魔嬖耳。烈士感恩。悲事不成。憤恚而死。此卽未經半宵。已歷二生。況年月耶。此類甚多。故知時處等。皆如夢自在。

六如影像者。一切萬法。畧有二義。一皆如明鏡。含明了性。一心所成故。二分別所現。如影像故。由初義故。爲能現。由後義故。爲所現。故一切法。互爲鏡像。如鏡互照。而不壞本相。下經云。遠物近物。雖皆影現。影不

隨物而有遠近等。

六如影像文二。先正釋。然約鏡像喻。鏡不是像。像不是鏡。故無鏡之能。此但取像。以況性空虛無之義。今取卽入自在。故明一切。具於鏡像二義。故疏結云。如鏡互照。則一一法上。有鏡有像也。○下經云下。卽十忍品。彼云。然諸衆生。知於此處。有是影現。亦知彼處。無如是影。遠物近物。雖皆影現。影不隨物。而有近遠。菩薩摩訶薩。亦復如是。能知自身。及以他身。一切皆是智之境界。不作二解。謂自他別。而於自國土。於他國土。各各差別。一時普現。

釋曰。若不如影。何得諸處一時頓現。故引遠近之。言。意取自在。偈中云。譬如水中影。非內亦非外。菩薩求菩提。了世非世間。不於世住出。如影現世間。入此甚深義。離垢志明徹。不捨本誓心。普照智慧燈。世間無邊際。智入悉齊等。普化諸羣生。令其捨衆着。釋曰。不了如影。安能普入無邊之世。

七因無限者。謂諸佛菩薩。昔在因中。常修緣起無性等觀。大願廻向等。稱法界修。及餘無量殊勝因故。今如所起果。具斯無礙。

七因無限者。謂因多德遠。因果相稱故。但修一緣。



起之因則果中尚如緣起無礙。况有無限之因。無邊行海。皆備修耶。况一一行。自復無盡。如一慈門。卽有佛刹塵數。况於餘門。○無性等觀者。一近等。上四謂唯心所現觀。法性融通觀。如幻夢觀。如影像觀。兼緣起無性觀。故總收前六。因中皆爲此觀。觀法唯心。乃至觀法如影像故。用此六觀。該一切法。謂若染若淨。若依若正。若因若果。同類異類。是法所攝。皆因六觀貫之。故今成果。如於六觀自在無礙。二者等餘諸因。齊佛所知。普賢所行。十方三世。無盡無盡。所有因門。皆此門攝。故云及餘無量。

殊勝因耳。其大願廻向。稱法界修。亦該通法界諸因。今如所起果者。如前昔因。所得果故。八佛證窮者。由冥真性。得如性用。故經云。無比功德。故能爾。

八佛證窮者。文中二。先正釋。但得成佛。法爾能爾。○經云下。二引證。無比功德。卽佛德也。普賢行品云。世界及如來。種種諸名號。經於無量劫。說之不可盡。何況最勝智。三世諸佛法。從於法界生。充滿如來地。明佛德用。不可說也。又下偈云。其中人師子。修佛種種行。成於等正覺。示現諸自在。此亦明。

撰述  
因圓果滿。故有大用耳。前卽德相。此卽業用。  
九深定用。故者。謂海印定等諸三昧力。故賢首品云。  
入微塵數諸三昧。一一出生塵等定。而彼微塵亦不  
增等。

九深定用中。先正釋言海印定等者。如第六十一  
經。畧說一百門三昧。及智論五百三昧等。○賢首  
品下二引證。而云等者。有其二義。一只等此偈餘  
文。文云。於一普現難思刹。彼一塵內衆多刹。或有  
有佛或無佛。或有雜染或清淨。或有廣大或狹小  
等。卽是三昧現自在也。二等餘經。卽彼次前偈云。

衆生形相各不同。行業音聲亦無量。如是一切皆  
能現。海印三昧威神力。

十神通解脫。故者。謂由十通。及不思議等解脫。故不  
思議法品十種解脫中云。於一塵中。建立三世一切  
佛法等。

由上十因。令前教義等十對。具上同時等十門。以爲  
別教一乘義之分齊。

由上十因下。第三總結所屬。正結周徧含容。以事  
事無礙。故該取前三。故皆別教一乘分齊。第三  
義理分齊文竟。

機地  
第四教所被機者。夫教因機顯。離機無言。上說義理弘深。未委被何根器。若明能應者。十身圓音。今直彰所被。通有十類。前五棟非器。後五彰所爲。前中一無信非器。以聞生誹謗。墮惡道故。二違真非器。依傍此經以求名利。不淨說法。集邪善故。下經云。忘失菩提心。修諸善根。是爲魔業。三乖實非器。謂如言取文。超情至理。不入心故。論云。隨聲取義。有五過失。上三皆是凡愚。故下文云。此經不入餘衆生手。四狹劣非器。謂一切二乘。出現品云。一切二乘不聞此經。何況受持。故雖在座。如聾如瞽。五守權非器。謂三乘共教。諸

菩薩等。隨宗所修行布行位。不信圓融具德之法。故下經云。設有菩薩。無量億那由他劫。行六波羅蜜。不聞此經。或時聞。不信不解。不順不入。不得名爲真實菩薩故。

隨聲取義者。卽十地論釋示說分齊中文。論云。一不正信。二退。三猛。三者誑他。四者謗佛。五者輕法。下文具釋。故下經云者。卽出現品。如前已引。後五顯所爲中。一正爲。謂是一乘圓機故。出現品云。此經不爲餘衆生說。卽通指前五。唯爲乘不思議乘。菩薩說。卽正爲之機。謂一運一切運。圓融行位。卽深

不思議。又能徧達諸教。自不思議。故文云。非  
界之所知。普賢行人方得入等。二兼爲。謂卽時雖未  
悟入。而能信向成種。如出現品。食金剛喻。故地獄天  
子。十地頓超。大海劫火。不能爲障。約未悟入。故名爲  
兼。

故地獄天子。卽隨好品。大海劫火。卽十地品。故皮

水劫火中。堪受此法。必得聞是也。約

難也。恐有難云。既有頓超之益。卽

是當機。何名兼爲。道意可知。

三引爲。卽前權教菩薩。不受圓融之法。故十地之

一六

五五